



SLUŽBENI GLASNIK OPĆINE KALESIJA

Godina: XLV

Ponedjeljak, 01.02.2010. godine
K A L E S I J A

Broj: 1

OPĆINSKO VIJEĆE

1

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08), Općinsko vijeće Kalesija sjednici održanoj dana 28.01.2010. godine, d o n o s i

ODLUKU

o davanju saglasnosti na Program prioritetnih kapitalnih ulaganja JZU Dom zdravlja Kalesija za 2010. godinu

Član 1.

Daje se saglasnost na Program prioritetnih kapitalnih ulaganja JZU Dom zdravlja Kalesija za 2010. godinu

Član 2.

Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-350
Datum, 29.01.2010. godine

PREDSJEDAVAJUĆI
OPĆINSKOG VIJEĆA

Fetah Hujdur s.r.

2

Na osnovu čl. 66. Zakona o građevinskom zemljištu F BiH („Sl. novine FBiH“ br. 68/05), člana 42. Odluke o građevinskom zemljištu („Sl. glasnik općine Kalesija“, 1/04, 2/05 i 12/05) i člana 42. Statuta općine Kalesija – Prečišćeni tekst („Sl. glasnik općine Kalesija“, broj 10/07 i 7/08), Općinsko

vijeće Kalesija na sjednici održanoj dana 28.01.2010. godine, d o n o s i

ODLUKU

o utvrđivanju prosječne konačne građevinske cijene m² korisne stambene površine na području općine Kalesija u 2009. godini

Član 1.

Prosječna konačna građevinska cijena 1m² izgrađene korisne stambene površine u 2009. godini na području općine Kalesija iznosi 800,00 KM.

Član 2.

Cijena iz člana 1. ove Odluke služit će kao osnovica za izračunavanje naknade iz osnova prirodnih pogodnosti građevinskog zemljišta (rente) i uređenja građevinskog zemljišta.

Utvrđena cijena će se koristiti u 2010. godini.

Član 3.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-351
Datum, 29.01.2010. godine

PREDSJEDAVAJUĆI
OPĆINSKOG VIJEĆA

Fetah Hujdur s.r.

3

Na osnovu člana 11. stav 3. Zakona o uzurpacijama („Sl. list SRBiH“, broj 6/78) i člana 42. Statuta općine Kalesija – Prečišćeni tekst („Sl. glasnik općine Kalesija“, broj 10/07 i 7/08), Općinsko vijeće Kalesija na sjednici održanoj 28.01.2010. godine, d o n o s i

ODLUKU

o visini naknade za nepriznato uzurpirano zemljište u 2010. godini

Član 1.

Za nepriznato uzurpirano zemljište, za koja će se uzurpantima- zemljoradnicima određivati naknada u 2010. godini, određuje se slijedeća visina naknade:

- a) Za poljoprivredna zemljišta u iznosu sedmostrukog jednogodišnjeg katastarskog prihoda sa uzurpiranog zemljišta za 2010. godinu.
- b) Za neplodna zemljišta u iznosu sedmostrukog jednogodišnjeg katastarskog prihoda sa pašnjaka najniže klase u istoj katastarskoj općini za 2010. godinu.

Član 2.

Ova Odluka stupa na snagu danom objavljivanja u "Službenom glasniku glasniku općine Kalesija", a primjenjivat će se od 01.01.2010. godine.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-352
Datum, 29.01.2010. godine

PREDSJEDAVAJUĆI
OPĆINSKOG VIJEĆA

Fetah Hujdur s.r.

4

Na osnovu člana 26. Zakona o principima lokalne samouprave u Federaciji Bosne i Hercegovine („Službene novine FBiH“, br. 49/06), člana 42. a u vezi sa članom 100. Statuta općine Kalesija – Prečišćeni tekst („Službeni glasnik općine Kalesija“, broj 10/07 i 7/08), na prijedlog Komisije za izradu kriterija za formiranje novih mjesnih zajednica na području općine Kalesija, Općinsko vijeće Kalesija na sjednici održanoj dana 28.01.2010. godine, d o n o s i

ODLUKU

o kriterijima za osnivanje novih mjesnih zajednica na području općine Kalesija

I OPĆE ODREDBE

Član 1.

Ovom odlukom utvrđuju se kriteriji, način i postupak za formiranje novih mjesnih zajednica na području općine Kalesija.

Član 2.

Mjesne zajednice na području općine Kalesija osnivaju su kao oblik mjesne samouprave neposrednog sudjelovanja građana u odlučivanju o lokalnim poslovima koji neposredno utiču na svakodnevni život i rad građana.

Mjesna zajednica kao jedinica jesne smouprave može obuhvatati jedno ili više međusobno povezanih naseljenih mjesta ili dijelova naseljenih mjesta koja čine zasebnu razgraničenu cjelinu.

Član 3.

Naseljeno mjesto predstavlja prostorno zaokruženu zajednicu stanovanja, a može da obuhvata grad, dio grada (čtvrť) jedan ili više zaseoka.

Granice naseljenih mjesta su utvrđene stalnim prirodnim ili vještačkim objektima (vodotocima, kanalima, putevima, granicom parcela i sl.).

II KRITERIJI

Član 4.

U cilju racionalnog, transparentnog i efikasnijeg sudjelovanja i odlučivanja građana, područje mjesne zajednice može biti promjenjeno, te osnivanje nove mjesne zajednice, ako ispunjavaju sledeće kriterije:

- Da na području za koje se predlaže osnivanje nove mjesne zajednice postoje infrastrukturni objekti, potrebni za rad i normalno funkcionisanje rada organa mjesne zajednice.

- Da naseljeno mjesto ili više naseljenih mjesta koja bi ušla u sastav nove mjesne zajednice čine zasebnu razgraničenu međusobno uvezanu cjelinu.

- Da su utvrđene granice naseljenih mjesta usaglašene u okviru sadašnje mjesne zajednice te mjesnih zajednica sa kojima će se grančiti nova mjesna zajednica.

- Da su interesi građana novoformirane mjesne zajednice usklađeni sa interesima Općine u cjelini.

Član 5.

U slučajevima kada se traži formiranje nove mjesne zajednice izdvajanjem dijela jedne ili dijelova više mjesnih zajednica u zasebnu mjesnu zajednicu, ili podjele jedne mjesne zajednice na više mjesnih zajednica, naseljeno mjesto planirano kao sjedište nove mjesne zajednice mora imati objekat sa prostorijama za rad organa mjesne zajednice.

Podjelu mjesne zajednice na više mjesnih zajednica nemože tražiti naseljeno mjesto na kojem se nalazi objekat sa prostorijama mjesne zajednice ili drugi objekat od opšteg interesa za građana cijele mjesne zajednice bez saglasnosti svih naseljenih mjesta koji su bili u sastavu te mjesne zajednice i koji su učestvovali u izgradnji tog objekta mjesne zajednice.

Uslovi iz stava jedan ne odnose se u slučajevima pripajanja dijela ili cijele jedne mjesne zajednice drugoj mjesnoj zajednici te spajanjem više mjesnih zajednica u jednu novu mjesnu zajednicu.

III POSTUPAK ZA FORMIRANJE NOVE MJESNE ZAJEDNICE

Član 6.

Promjena granica naseljenih mjesta, mjesnih zajednica te osnivanje novih mjesnih zajednica pokreće se građanskom inicijativom.

Inicijativu za osnivanje ili promjenu područja mjesne zajednice mogu pokrenuti: građani i udruženja građana sa područja naseljenog mjesta na kojem imaju prebivalište, odnosno sjedište, Općinski načelnik/ca i Općinsko vijeće.

Član 7.

Inicijativu za promjenu granica naseljenih mjesta i osnivanje nove mjesne zajednice razmatra i u roku od 30 dana i daje svoje mišljenje Vijeće mjesne zajednice.

Nakon proteka roka iz stava jedan ovog člana inicijativu razmatra mjesni zbor građana naseljenog mjesta za koje se predlaže promjena područja i osnivanje nove mjesne zajednice.

Član 8.

Mjesni zbor građana saziva predsjednik Vijeća mjesne zajednice ili njegov zamjenik na području koje želi da promjeni granice

naseljenih mjesta ili da osnuju novu mjesnu zajednicu.

Inicijativa je prihvaćena ako se za inicijativu izjasni najmanje 10 % birača upisanih u birački spisak naseljenog mjesta za koje se predlaže osnivanje mjesne zajednice.

Član 9.

Stav zbora po pokrenutoj inicijativi sadrži sledeće podatke: vrijeme održavanja zbora, broj birača upisanih u birački spisak, broj prisutnih na zboru, sadržaj prihvaćene inicijative, naseljena mjesta sa utvrđenim granicama nove mjesne zajednice usaglašene sa mjesnom zajednicom čija se područja mijenjaju.

Član 10.

Općinska služba za opću upravu boračko invalidsku zaštitu i raseljena lica provodi postupak i utvrđuje dali je inicijativa podnešena na način i po postupku utvrđenim Statutom općine i ovim kriterijima.

Ako Služba utvrdi da inicijativa nije podnešena na propisan način i propisanom postupku zatražit će da se u roku od 15 dana dopuni inicijativa.

Na pravo valjanu inicijativu Služba utvrđuje prijedlog Odluke o osnivanju nove mjesne zajednice i dostavlja je Općinskom vijeću na razmatranje.

Član 11.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-353
Datum, 29.01.2010. godine

Fetah Hujdur s.r.

5

Na osnovu člana 10. stav 3. Zakona o porezu na promet nepokretnosti i prava (“Sl. novine TK”, broj 11/01 i 13/01 i 13/03), člana 13. Zakona o principima lokalne samouprave („Sl. novine FBiH“ br. 49/06) i člana 42. Statuta općine Kalesija – Prečišćen tekst (“Sl. glasnik općine Kalesija”, broj 10/07 i 7/08), Općinsko vijeće na sjednici od 28.01.2010. godine, d o n o s i

ODLUKU

o imenovanju Komisije za utvrđivanje vrijednosti nepokretnosti i prava u prometu

Član 1.

Ovom Odlukom imenuje se Komisija za utvrđivanje vrijednosti nepokretnosti i prava u prometu (u daljem tekstu: Komisija), u sastavu:

1. Karahodžić Ševal iz Seljublja,
2. Mustafić Admir iz Vukovija Donjih,
3. Suljkanović Zijad iz Rainaca Donjih,
4. Suljkanović Mehmed – Meho iz Rainaca Donjih,
5. Selimović Mirsad iz Kikača,
6. Ikanović Mevludin iz Vukovija Donjih.

Član 2.

Komisija bira predsjednika iz reda svojih članova na prvoj sjednici.

Član 3.

Zadatak Komisije je utvrđivanje vrijednosti nepokretnosti i prava u prometu.

Član 4.

Komisija se imenuje na period od dvije godine.

Član 5.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-354
Datum, 29.01.2010. godine

PREDSJEDAVAJUĆI
OPĆINSKOG VIJEĆA

Fetah Hujdur s.r.

6

Na osnovu člana 13. Zakona o principima lokalne samouprave ("Sl. novine FBiH", broj 49/06), člana 42. Statuta općine Kalesija – Prečišćen tekst ("Sl. glasnik općine Kalesija", broj 10/07 i 7/08) i člana 100. stav 2. Poslovnika o radu Općinskog vijeća – Prečišćen tekst («Sl. glasnik općine Kalesija», broj 6/08), Općinsko vijeće Kalesija na sjednici od 28.01.2010. godine, d o n o s i

ODLUKU

o razrješenju i izboru člana radnog tijela Općinskog vijeća

I

Razrješava se dužnosti člana Komisije za privredu, ekonomska i finansijska pitanja Općinskog vijeća **Selimović Elmedin iz Babine Luke**, na lični zahtjev.

Na upražnjeno mjesto člana Komisije za privredu, ekonomska i finansijska pitanja Općinskog vijeća imenuje se **Mujanović Enver iz Kikača**.

II

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-355
Datum, 29.01.2010. godine

PREDSJEDAVAJUĆI
OPĆINSKOG VIJEĆA

Fetah Hujdur s.r.

7

Na osnovu člana 19. stav 1. Zakona o osnovnom odgoju i obrazovanju ("Sl. novine TK, broj 6/04) i člana 42. Statuta općine Kalesija – Prečišćeni tekst ("Sl. glasnik općine Kalesija", broj 10/07 i 7/08), Općinsko vijeće Kalesija na sjednici održanoj 28.01.2010. godine, d o n o s i

ODLUKU

o utvrđivanju školskog područja za osnovne škole na području općine Kalesija

Član 1.

Ovom Odlukom uređuju se školska područja za osnovne škole na području općine Kalesija sa kojeg je redovna osnovna škola obavezna da primi školskog obveznika.

Član 2.

Za potpuni obuhvat školskih obveznika uređuju se školska područja na osnovne škole na području općine Kalesija i to:

1. JU Osnovna škola „Memići“ za područja: MZ Memići, MZ Bulatovci, MZ Brda, i MZ Kalesija Gornja (zaseoci Šahbazi i Muratovići),

2. JU Osnovna škola „Kalesija“ za područja: MZ Kalesija Centar, MZ Prnjavor, MZ Dubnica, MZ Gojčin, MZ Jajići, MZ Miljanovci, te MZ Kalesija Gornja (izuzev zaseoka iz tačke 1.).

3. JU Osnovna škola „Rainci Gornji“ za područja: MZ Rainci Gornji, MZ Rainci Donji, MZ Zates, MZ Sarači – Lipovie, te MZ Tojšići (naseljeno mjesto Petrovice – zaseoci Musići, Suhopolje i Barčići),

4. JU Osnovna škola „Tojšići za područja: MZ Tojšići (izuzev zaseoka iz tačke 3.), MZ Kikači, MZ Hrasno, MZ Seljublje i MZ Jeginov Lug,

5. JU Osnovna škola „Vukovije“ za područja: MZ Vukovije Donje i MZ Vukovije Gornje.

Član 3.

Osnovne škole mogu na svom školskom području organizovati područne škole sa jednim ili više odjeljenja, u skladu sa pedagoškim standardima.

Član 4.

Ova Odluka stupa na snagu danom objavljivanja u “Službenom glasniku općine Kalesija”.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-356
Datum, 29.01.2010. godine

PREDSJEDAVAJUĆI
OPĆINSKOG VIJEĆA

Fetah Hujdur s.r.

8

Na osnovu člana 70. Zakona o građevinskom zemljištu ("Sl. novine F BiH", broj 25/03), člana 47. Odluke o građevinskom zemljištu općine Kalesija ("Sl. glasnik općine Kalesija", broj 1/04, 2/05 i 12/05), te člana 42. Statuta Općine Kalesija – Prečišćeni tekst ("Sl. glasnik općine Kalesija", broj 10/07 i 7/08), Općinsko vijeće na sjednici održanoj dana 28.01.2010. godine, d o n o s i

PROGRAM UREĐENJA

gradskog građevinskog zemljišta po zonama na području općine Kalesija za period

I – XII 2010. godine

Član 1.

U toku 2010. kalendarske godine vršit će se uređenje gradskog građevinskog zemljišta u:

I, IIA, III, IV i VI zoni gradskog građevinskog zemljišta.

Član 2.

U zoni obuhvata Regulacionog plana “Južna zona” Kalesija i “Sjeverna zona” Kalesija vršit će se sledeći poslovi:

- Vanjsko uređenje javnih i drugih površina koje se tiču uređenja gradskog građevinskog zemljišta,
- Rekonstrukcija trotoara od centra grada do industrijske zone Kalesija,
- Vanjsko uređenje oko sportske dvorane u izgradnji u ulici “Žrtava genocida u Srebrenici”,
- Izrada Prostornog plana općine Kalesija,
- Rekonstrukcija vodovoda u gradu Kalesija,
- Izgradnja gradske tržnice,
- Izvršice se postavljanje vertikalne i horizontalne signalizacije u centru Kalesije,
- Proširenje toplifikacije grada,
- Rekonstrukcija ulice “Patriotske lige”,
- Ažuriranje Regulacionih planova.

Radovi će se obavljati prema navedenom redoslijedu, a u skladu sa budžetom Općine Kalesija.

Član 3.

Planirana izgradnja u Kalesiji, za područje koje se uređuje iznosi cca 14.077 m² stambenog i 6.215 m² poslovnog prostora.

Član 4.

Ukupna investicija uređenja gradskog građevinskog zemljišta iznosi 1.086.267,00 KM (od toga sa posebnog računa namjenska sredstva iznose 541.800,00 KM).

Član 5.

Na ime uređenja gradskog građevinskog zemljišta u I zoni gradskog građevinskog zemljišta, investitori planiranih objekata imaju uplatiti iznos od **26,70 KM** za svaki m² korisne površine izgrađenog stambenog i poslovnog prostora, dok će se za ostale zone iz tačke 1. ovog Programa primjenjivati odredbe Odluke o građevinskom zemljištu.

Naknada za uređenje gradskog građevinskog zemljišta obračunavat će se u

urbanističkoj saglasnosti, a uplaćivat će se na poseban račun općine Kalesija kod Tuzlanske banke br. 1321400311635477, vrsta prihoda 722434.

Član 6.

Visinu naknade za već ranije uređeno ili djelimično uređeno gradsko građevinsko zemljište, korisnik zemljišta obavezan je izmiriti neovisno od stepena uređenja.

Visina naknade utvrđuje se u procentima u odnosu na predračunsku vrijednost građevinskog objekta, primjenom cijene m² korisne stambene površine utvrđene Odlukom o utvrđivanju prosječne konačne građevinske cijene m² korisne stambene površine iz predhodne godine i to:

1. za obezbjeđenje prilaza parceli – 0,8%,
2. za obezbjeđenje uslova prisključenja snabdijevanja vodom – 0,4%,
3. za obezbjeđenje uslova za priključenje kanalizacije – 0,4%,
4. za obezbjeđenje uslova priključka na NN električnu mrežu – 0,4%.

Obavezi plaćanja naknade za uređenje građevinskog zemljišta na kojem se gradi objekat, ne podliježe član porodice koji je ili čiji su roditelji učestvovali u uređenju tog građevinskog zemljišta ukoliko se objekat gradi na mjestu ranije postojećeg objekta za onaj dio korisne površine objekta koji je bio izgrađen na tom mjestu.

Član 7.

Program uređenja gradskog građevinskog zemljišta stupa na snagu danom objavljivanja u „Službenom glasniku općine Kalesija”.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-432
Datum, 29.01.2010. godine

PREDSJEDAVAJUĆI
OPĆINSKOG VIJEĆA

Fetah Hujdur s.r.

9

Na osnovu člana 42. Statuta Općine Kalesija ("Sl. glasnik Općina Kalesija", broj: 10/07 i 7/08), Općinsko vijeće na sjednici održanoj dana 28.01.2010. godine, d o n o s i

PRAVILNIK

kriterijima za stipendiranje studenata i učenika generacije osnovnih i srednjih škola sa područja općine Kalesija

Član 1.

Ovim Pravilnikom utvrđuju se uslovi, kriteriji i postupak za dodjelu stipendija redovnim studentima i učenicima generacije osnovnih i srednjih škola koji imaju stalno mjesto prebivališta na području općine Kalesija.

Član 2.

Sredstva za dodjelu stipendija obezbjeđuju se iz budžeta Općine Kalesija, kao namjenska sredstva.

Član 3.

Korisnici stipendija mogu biti:

1. Učenici generacije osnovnih i srednjih škola
2. Studenti na redovnom studiju

UČENICI GENERACIJE

Član 4.

Učenici generacije osnovnih i srednjih škola mogu ostvariti pravo na dodjelu stipendije uz ispunjenje sljedećih uslova.

- da su državljani BiH,
- da imaju prebivalište na području općine Kalesija,
- da su po završetku prethodnog nivoa školovanja nastavili redovno školovanje u srednjoj školi, odnosno fakultetu.

Član 5.

Stipendije za učenike generacije osnovnih i srednjih škola se dodjeljuju za jednu školsku, odnosno akademsku godinu.

Član 6.

Postupak za dodjelu stipendije se pokreće zahtjevom koji se može podnijeti najkasnije do kraja kalendarske godine u kojoj je učenik generacije nastavio školovanje, odnosno studij, po završetku prethodnog nivoa školovanja.

Član 7.

Učenicima generacije stipendija se isplaćuje na žiro-račun otvoren kod poslovne banke u 10 mjesečnih rata u sljedećim iznosima:

- učenicima generacije osnovnih škola u iznosu od po 50,00 KM

- učenicima generacije srednjih škola u iznosu od po 100,00 KM.

REDOVNI STUDENTI

Član 8.

Pravo na dodjelu stipendije imaju studenti koji ispunjavaju sljedeće uslove:

- da su državljani BiH,
- da su redovni studenti na jednom od Univerziteta u BiH,
- da imaju prebivalište na području općine Kalesija,
- da ne primaju kredit ili stipendiju od drugog davaoca,
- da su završili prethodne godine školovanja (od I-IV razreda srednje škole) sa najmanjom prosječnom ocjenom 4,0 (za studenete koji prvi puta upisuju prvu godinu studija),
- da su završili prethodnu godinu studija sa najmanjom prosječnom ocjenom 7,0.

Član 9.

Kriteriji za utvrđivanje liste kandidata za dodjelu stipendije su:

- uspjeh u školovanju
- socijalni status porodice
- postignuti rezultati na takmičenjima
- naučno-stručni rad u prethodnoj akademskoj godini.

Član 10.

Bodovi po osnovu uspjeha u školovanju utvrđuje se jedinstvenom prosječnom ocjenom iz prethodne godine studija zaokruženim na dvije decimale i pomnoženom sa 6 i to:

- za studente na prvoj godini studija prosječna ocjena uzevši sve razrede srednje škole (od I-IV razreda)
- za studente viših godina studija prosječna ocjena iz prethodne godine studija.

Za studente prve godine studija čiji se uspjeh u školovanju mjeri prosječnom ocjenom postignutoj u srednjoj školi, prosječna ocjena se množi koeficijentom 1,75 u cilju izjednačavanja njihovog polaznog statusa sa studentima viših godina studija.

Član 11.

Bodovi na osnovu socijalnog statusa porodice utvrđuje se na slijedeći način:

1. Studenti iz porodice - korisnika socijalne pomoći 20 bodova

2. Studenti iz porodica šehida i poginulih boraca 10 bodova

3. Studenti kao članovi porodičnog domaćinstva čiji je nosilac invalid sa utvrđenim stepenom invaliditeta od 50% i više ... 8 bodova

4. Studenti kao članovi porodičnog domaćinstva čiji je nosilac nezaposleni demobilisani borac koji je učestvovao dvije ili više godina u ratu i studenti i učenici kao i članovi porodičnog domaćinstva čiji je nosilac invalid do do 50% 6 bodova

5. Studenti kao članovi porodičnog domaćinstva čiji punoljetni članovi nisu u radnom odnosu 1 član 4 boda
2 člana 8 bodova
3 člana 12 bodova

6. Studenti iz porodica čija su primanja po osnovu radnog odnosa ili penzije manja od 100,00 KM po članu domaćinstva 12 bodova

7. Studenti iz porodica čija primanja po osnovu radnog odnosa ili penzije iznose od 101,00 - 150,00 KM po članu domaćinstva 8 bodova

8. Studenti iz porodica čija su primanja po osnovu radnog odnosa ili penzije iznose od 151,00 KM do 250,00 KM po članu domaćinstva. 2 boda.

Bodovi iz prethodnog stava se mogu dodijeliti samo po jednom od navedenih kriterija koji je za podnosioca zahtjeva povoljniji.

Porodičnim domaćinstvom, smatra se zajednica stanovanja, privređivanja i trošenja ostvarenih prihoda.

Radno pravni status punoljetnih članova porodičnog domaćinstva dokazuje se uvjerenjem nadležnog biroa za zapošljavanje.

Član 12.

1. Studenti koji su osvojili nagrade na kantonalnim takmičenjima za vrijeme studija odnosno srednjeg obrazovanja iz oblasti koju studiraju:

- za prvo mjesto 5 bodova
- za drugo mjesto 3 boda
- za treće mjesto 2 boda

2. Studenti koji su osvojili nagrade na federalnom, državnom ili međunarodnom takmičenju za vrijeme studija odnosno srednjeg obrazovanja iz oblasti koju studiraju:

- za prvo mjesto 7 bodova
- za drugo mjesto 5 bodova

- za treće mjesto 3 boda
- studenti koji su objavili naučno stručni rad u recenziranoj domaćoj ili stranoj publikaciji7 bodova

Kod ostvarenog istog broja bodova prednost imaju:

- a) studenti iz porodica korisnika socijalne pomoći,
- b) studenti iz porodica šehida i poginulih boraca,
- c) studenti iz porodica ratnih vojnih invalida,
- d) studenti iz porodica nezaposlenih demobilisanih boraca.

Član 13.

Činjenice na osnovu kojih se vrši dodjela bodova podnosiocima zahtjeva utvrđuju se na osnovu dokumentacije podnijete uz zahtjev, a po potrebi i neposrednim uvidom od strane ovlaštenih lica.

Član 14.

Postupak za dodjelu stipendija za studente provodi se putem konkursa. Konkurs se raspisuje na osnovu odluke Općinskog načelnika i sadrži:

- vrstu i broj stipendija i iznos pojedinačne stipendije,
- kriterije za rangiranje kandidata,
- potrebni dokumenti,
- rok za podnošenje prijave.

Konkurs se objavljuje najmanje u jednom dnevnom listu i na oglasnoj tabli Općine.

Član 15.

Za rješavanje zahtjeva za dodjelu stipendija po raspisanom konkursu Općinski načelnik formira komisiju od tri (3) člana.

Komisija ima zadatak da razmotri prijave prispijele na konkurs, sačini rang listu i predloži kandidate za dodjelu stipendija u roku od 15 dana od dana zaključenja konkursa.

Na prijedlog Komisije, Odluku o dodjeli stipendije donosi Općinski načelnik.

Na Odluku iz prethodnog stava može se izjaviti žalba Komisiji za rješavanje po žalbama Općinskog vijeća Kalesija.

Žalba na odluku o dodjeli stipendija zadržava njihovo izvršenje.

Član 16.

Na osnovu Odluke o dodjeli stipendija zaključuje se ugovor kojim se bliže utvrđuju

međusobna prava i obaveze davaoca i korisnika stipendije.

Ugovor o stipendiranju zaključuje Općinski načelnik i student.

Član 17.

Korisnik stiče pravo na stipendiju do završetka studija, uz ispunjenje uslova utvrđenih ovim Pravilnikom.

U toku akademske godine stipendija se isplaćuje u 10 jednakih mjesečnih rata od 100,00 KM.

Isplata stipendija vrši se putem štedne knjižice ili tekućeg računa i to do petog u mjesecu za protekli mjesec.

Član 18.

Korisnik gubi pravo na daljnju isplatu stipendije ako u toku studija:

- a) ne upiše narednu akademsku godinu kao redovan student,
- b) bude upućen na izdržavanje kazne zatvora u trajanju dužem od tri mjeseca,
- c) bude mu izrečena disciplinska mjera isključenja sa Univerziteta,
- d) po nekom drugom osnovu kada mu prestane status redovnog studenta.

PRELAZNE I ZAVRŠNE ODREDBE

Član 19.

Stupanjem na snagu ovog Pravilnika prestaje da važi Pravilnik o kriterijima i postupku za dodjelu stipendija učenicima i studentima sa područja općine Kalesija broj 02-05-147/06 od 24.01.2006.godine.

Postupci dodjele stipendija studentima i učenicima generacije, započelih prije stupanja na snagu ovog Pravilnika, okončat će se po odredbama ranije važećeg Pravilnika iz stava 1. ovog člana.

Član 20.

Ovaj Pravilnik stupa na snagu danom objavljivanja u „Službenom glasniku Općine Kalesija“.

10

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst (“Sl. glasnik općine Kalesija”, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst (“Sl. glasnik općine Kalesija”, broj 6/08), Općinsko vijeće na 13. redovnoj sjednici održanoj dana 28.01.2010. godine, donijelo je slijedeći

ZAKLJUČAK

I

Usvaja se Izvještaj o radu Sportskog saveza općine Kalesija za 2009. godinu.

II

Zaključak stupa na snagu danom donošenja i bit će objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-434

Fetah Hujdur s.r.

Datum, 29.01.2010. godine

11

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst (“Sl. glasnik općine Kalesija”, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst (“Sl. glasnik općine Kalesija”, broj 6/08), Općinsko vijeće na 13. redovnoj sjednici održanoj dana 28.01.2010. godine, donijelo je slijedeći

ZAKLJUČAK

I

Usvaja se Program rada Sportskog saveza općine Kalesija za 2010. godinu, sa planom raspodjele javnih sredstava za finansiranje sporta u 2010. godini.

II

Zaključak stupa na snagu danom donošenja i bit će objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-435

Fetah Hujdur s.r.

Datum, 29.01.2010. godine

12

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst (“Sl. glasnik općine Kalesija”, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst (“Sl. glasnik općine Kalesija”, broj 6/08), Općinsko vijeće na 13. redovnoj sjednici održanoj dana 28.01.2010. godine, donijelo je slijedeći

ZAKLJUČAK

I

Prihvata se Informacija o zakupu državnog poljoprivrednog zemljišta na području općine Kalesija za 2009. godinu.

II

Zaključak stupa na snagu danom donošenja i bit će objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-436

Fetah Hujdur s.r.

Datum, 29.01.2010. godine

13

Na osnovu člana 44. i 45. Zakona o građevinskom zemljištu ("Sl. novine FBiH", br. 25/03 i 16/04), člana 42. Statuta općine Kalesija – Prečišćeni tekst ("Sl. glasnik općine Kalesija", broj 10/07 i 7/08), člana 22. Odluke o građevinskom zemljištu ("Sl. glasnik općine Kalesija", broj 1/04, 2/05 i 12/05), te člana 200. Zakona o upravnom postupku ("Sl. novine FBiH", broj 2/98 i 48/99), rješavajući u upravnoj stvari dodjele neizgrađenog građevinskog zemljišta, Općinsko vijeće Kalesija na sjednici održanoj dana 28.01.2010. godine, d o n o s i

RJEŠENJE

1. "HANKOM - TURS" d.o.o. Kalesija, dodjeljuje se na korištenje, radi izgradnje poslovnog objekta (garaža sa servisom), neizgrađeno građevinsko zemljište označeno po starom premjeru sa k.č. broj 2345/213, zvano „Lugovi“, oranica, površine 1000 m², upisana u ZK uložak broj 18, K.O. Prnjavor, a po novom premjeru označeno sa k.č. broj 1249/109, zvana „Lugovi“, u naravi njiva 6. klase, površine 1000 m², upisana u Pl. broj 706, k.o. Prnjavor.

2. Za dodijeljeno zemljište iz tačke 1. dispozitiva ovog rješenja korisnik je dužan platiti naknadu za dodijeljeno zemljište u iznosu od 12.000,00 KM (slovima: dvanaest hiljada konvertibilnih maraka). Naknadu je dužan uplatiti u roku od 15 dana po prijemu ovog rješenja, na žiro račun općine Kalesija broj: 1321400291700037 kod Tuzlanske banke, vrsta prihoda: 722631 šifra općine 044.

3. Na zemljištu iz tačke 1. dispozitiva rješenja, nakon pravosnažnosti rješenja i izvršene uplate naknade iz tačke 2. dispozitiva rješenja, u zemljišnim knjigama Općinskog suda Kalesija izvršit će se uknjižba prava korištenja radi građenja u korist "HANKOM - TURS" d.o.o. Kalesija, Kalesija bb, sa dijelom 1/1, a u katastru općine Kalesija izvršit će se uknjižba prava posjeda u korist "HANKOM - TURS" d.o.o. Kalesija, Kalesija bb, sa dijelom 1/1.

Obrazloženje

Na osnovu člana 44. 45. i 46. Zakona o građevinskom zemljištu ("Sl. novine FBiH", br. 25/03 i 16/04), člana 55. Statuta općine Kalesija – Prečišćeni tekst ("Sl. glasnik općine Kalesija", 10/07 i 7/08), i člana 24. Odluke o građevinskom zemljištu ("Sl. glasnik općine Kalesija", broj 1/04, 2/05 i 12/05), Općinski načelnik Kalesija raspisao je Javni konkurs za dodjelu neizgrađenog građevinskog zemljišta u svrhu izgradnje privredno-poslovnih objekata, objavljen u dnevnom listu "Dnevni avaz" od 01.12.2009 godine.

Komisija za dodjelu neizgrađenog građevinskog zemljišta imenovana je rješenjem Općinskog načelnika br. 02-05-2-2636/08 od 04.08.2008 godine, izvršila je dana 15.12.2009. godine javno

otvaranje prispjelih prijava na raspisani konkurs, a Zaključkom o rezultatu Konkursa za dodjelu neizgrađenog građevinskog zemljišta broj 02-31-1-3924-4/09 od 15.12.2009. godine, predlaže Općinskom vijeću Kalesija da "HANKOM - TURS" d.o.o. Kalesija, dodijeli predmetno zemljište na korištenje radi građenja (garaže sa servisom).

Odredba o plaćanju naknade za dodijeljeno zemljište temelji se na članu 64. Zakona o građevinskom zemljištu i Odluci o građevinskom zemljištu.

Cijeneći sve okolnosti i utvrđene činjenice iz Zaključka o rezultatu konkursa odlučeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor podnošenjem tužbe kod Kantonalnog suda u Tuzli u roku od 30. dana od dana prijema ovog rješenja.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-357
Datum, 29.01.2010. godine

PREDSJEDAVAJUĆI
OPĆINSKOG VIJEĆA

Fetah Hujdur s.r.

S a d r Ź a j

OPĆINSKO VIJEĆE **Strana**

1. Odluka o davanju saglasnosti na Program
Prioritetnih ulaganja JZU Dom zdravlja
Kalesija za 2010. godinu 1
2. Odluka o utvrđivanju prosječne
konačne građevinske cijene m² korisne
stambene površine na području općine
Kalesija u 2009. godini 1
3. Odluka o visini naknade za nepriznato
uzurpirano zemljište u 2010. godini 1
4. Odluka o kriterijima za osnivanje novih
mjesnih zajednica na području Kalesija 2
5. Odluka o imenovanju Komisije za procjenu
vrijednosti nepokretnosti i prava u prometu .3
6. Odluka o razrješenju i izboru člana radnog
tijela Općinskog vijeća 4
7. Odluka o utvrđivanju školskog područja
za osnovne škole na području općine
Kalesija 4
8. Program uređenja gradskog građevinskog
zemljišta po zonama na području općine
Kalesija za period I – XII 2010. godine 5
9. Pravilnik o kriterijima za stipendiranje
studenata i učenika generacije osnovnih i
srednjih škola sa područja općine Kalesija .. 6
10. Zaključak..... 9
11. Zaključak..... 9
12. Zaključak..... 9
13. Rješenje o dodjeli zemljišta 9